



# CANTIC

## AR BARADOS.

---

Var eun ton anavezet.

JESUS! peguen bras ve  
Plijadur an ene,  
Pa ve en graç Doue  
Hac en e garante!

*bis.*

Bér cavo an amzer,  
Ne zanto nep mizer,  
O sònjâl de ha nos  
En gloar ar Barados.

*bis.*

Pa zellàn en êuvo  
Hac etrezec va bro,  
Nijal dîn a garfen  
Evel eur goulmic ven.

*bis.*

Mes siouas, me chomo  
Betec heur ar maro,

Evel eur prsonnier,  
En eur c'horf zo pounner. *bis.*

Pa vo heur ar maro,  
Neuzæ me guimniado  
Eus ar c'hic danjerus  
Adversour da Jesus. *bis.*

Gant joa e c'hortoàn  
Ar moment divezàn;  
Hast a-meus da velet  
Jesus va güir bried. *bis.*

En heur-ze me esper,  
Gant sicour va Chrouer,  
Ar partach evurus  
Prenet din gant Jesus. *bis.*

Qerqent ha ma vezo  
Torret va chadenno,  
M'en em zavo en èr  
Evel eun alc'hueder. *bis.*

Tremen a rin al loar  
Evit monet d'ar gloar,  
Var an heul, ar steret



Me a vezo douguet. *bis.*

Neuze me lavaro  
Adieu da dud va bro,  
Adieu d'ar bed poannius,  
D'e bechou danjerus. *bis.*

Adieu d'ar baourente,  
Adieu d'ar vanite,  
Adieu d'an trubuliou,  
D'an tentationou. *bis.*

Pelloc'h ne zoujin qet  
Chalmou an drouc-speret;  
Biqen, nan, n'em zromplo  
Goude heur ar maro. *bis.*

Goude heur ar maro  
Gant joa me a gano :  
Torret eo va chaden  
Ha me libr da vigen. *bis.*

Ar pec'hejou marvel  
Nac ar re veniel  
N'ellint qet m'attaqi  
Na biqen va zrec'hi. *bis.*

Me a chencho a stad  
 Evit va brassa mad;  
 N'em bezo nep glachar  
 O quittat an douar.

*bis.*

Me velo discaret  
 Va oll enemiet,  
 Ha me victorius  
 Dre ho craç, va Jesus.

*bis.*

A bep-tu pa zellin,  
 Qement tra a velin  
 A gargo va e'halon  
 A gonsolation.

*bis.*

Percher ar Barados  
 Digor eus va gortos,  
 Ar Zent, ar Zentezet  
 Prest d'am diguemeret.

*bis.*

Piou' allo esplican,  
 Gant joa el lavaràn,  
 An triumph a velin  
 Er gloar pa antrein.

*bis.*

Me vezo recevet

En pales an Drindet,  
E creiz an enoriou  
Hac ar melodiou.

*bis.*

Hac eno evit mad  
Velimp Doue an Tad  
Gant e Vab eternal  
Hac ar Speret-Santel.

*bis.*

Me a velo Jesus  
Gant eun ær gracios,  
O lacât var va fen  
Ar gaëra curunen.

*bis.*

Pa em diguemero,  
Eus e beurs me glêvo :  
Deut, servicher fidel,  
Deut d'ar gloar eternal.

*bis.*

C'houi, graguez ha merc'hët,  
Trec'h d'ar c'hic ha d'ar bed,  
C'houi pezo enoriou  
Evit ho victoriou.

*bis.*

Sònjomp oll dre avanç  
Peguer caër reçoipanç

Zo demp oll preparet  
En pales an Drindet. *bis.*

Er barados hepquen  
Ni a ello compren  
Petra dal an' ênvou,  
O gloar hac o joayou. *bis.*

Evit poanniou dister,  
Evit anqenniou hêr,  
Me vezo paët mad  
Gant Doue, hor güir Dad. *bis.*

O velet hon Doue  
Gant ar Zent, an Æle,  
Ni a vezo contant,  
Hep aoun raç chenchamant. *bis.*

Admirabl eo güelet  
Ar Verçhez benniguet,  
Gant daouzec stereden  
A ra e c'hurmen. *bis.*

Güelet a raimp ouspen,  
Renqet en eur vanden,  
An Æle, Arc'hæle,

Oll o veuli Doue.

*bis.*

O cana e music

Canticou manific,

O rai meulendiou

Da Grouer an êvou.

*bis.*

Güelet a raimp goude

Adam, Abel, Noë,

Abraham hac Isaac,

Jacob, Joseph e vab.

*bis.*

David hæ Samuel,

Ar Prophet Daniel,

Ar Zent Patriarchet

Gant gloar oll curunet.

*bis.*

Ar Prophetet fidel,

An Ebestel santel

Hac an oll Verzerrien,

Enor ar Gristenien.

*bis.*

Curunet vint gant gloar

Balamour d'ar victoar

O deus bet gounezet

Var an oll dyrantet.

*bis.*

An oll Goufessoret,  
 Pontifet, Doctoret,  
 Beleyen ha Menec'h  
 Ha Sent oll a bep lec'h. *bis.*

Güerc'hezet a bep oad,  
 Sentezet a bep stat,  
 Graguez, Intanvezet,  
 Gant Doue curunet. *bis.*

Eurusdet hep e far!  
 Dre avanç ni a car;  
 Te gonsol va c'halon  
 En peb affliction. *bis.*

En oll boanniou calet  
 A gorf pe a speret,  
 Me sönjo deiz ha nos  
 En gloar ar Barados. *bis.*

FIN.




---

E Montroulez, eus a Imprimeri LÉVAN.